

Die I.

**I**N *Sacrario* NEOBURGENSI, *elevatione Reliquiarum SS. Martyrum* ABUNDANTII, INNOCENTII, GENASII & FELICIS *Pape;* quorum posterior Apostolico zelo æstuans, disciplinam Ecclesiasticam acerrimè propugnauit, Hæreticorum audaciam fregit, Achatium Hæresiarcham à Catholicorum Communionem Sedèque Constantinopolitanâ semouit, multisque curis & laboribus pro Ecclesia defunctus, sanctissimam Vitam pari Morte conclusit. In tumulo eius cæci oculos, claudi pedes, miseri passim omnes salutem repererunt. *Ex sacrarij indice, & Martyr. P. Cauis.*

II.

**H**odie in terris esse desijt WALERANDVS GERHARDI *Comitis Iuliacensis* heres, ex Præposito *Leodiensi, Archiepiscopus Coloniensis* anno à partu Virginis 1334. Eximiâ fuit in cælites religione, & ob raras animi dotes inter æui sui Præsules clarissimus; quem multis, in primis Euangelij disseminandi donis cælum illustrem reddidit, *Ecclesie sue decus, gentis IULIÆ delici-*

um ac

*am, ac subditorum amor.* judicabat hic Præsul Deo  
& Zelo plenus, plus esse verbi pabulo victu-  
ram in perpetuum mentem reficere, quàm  
ventrem morituræ carnis, terreno pane satiare.  
Magnū & vehementer sitientem salutis animarū  
animum cælo intulit COLONIÆ, ibidem in sum-  
mâ TRIUM MAGORVM ÆDE sepulchrum inveni-  
ens. *Annales Coloniens*

HEISTERBACI in MONTIVM *ducatu* ve-  
nerabilis est dies CHRISTIANI *Monachi*, vitæ  
integritate, & miraculis multum illustris; qui  
corporis afflictionibus ac religiosis perfectioni-  
bus usque adeo addictus fuit, ut Superis & ho-  
minibus charo, ac litanti sæpius B. Magdalena  
Angelis comitata adstiterit; atque grauissimo  
demum morbo decumbentem Christus, eius-  
que Mater admirabilis septem continuis die-  
bus clara in luce spectabiles inviserint; & cum  
morituro horas precarias decurrere visi sint.  
Morituro totâ mente in Deum confixus, in  
suavissimis consummatæ charitatis affectibus  
CHRISTO Christianus junctus est, nullo tempo-  
re separandus. *Ex loci eius Necrologio & fast.*  
*Marian.*

## V.

**D**IVA ADELHEIDIS MEGENGOZI & GERBERGÆ *illustrium Comitum Filia, Vilica ad fluvium Sigam eximie colitur, quæ ibidem magisterium, in devotas Deo Virgines exercuit, Matremque Religiosæ familiæ egit. quod Officium tanto virtutis, charitatisque ardore implevit: ut non harum modò, sed pauperum omnium Mater audiret, quibus tectum, victum nunquam non præbuit, pedes etiam eorum lavans, & ulcera velut gemmas tractare solita: unde tantam sibi in Cælo terræque gloriam conciliavit, vt vel ipsâ tacente, sanctitatem eius virtutes & miracula loquerentur. Ex Appar. Gelen. & P. Canis. Martyr.*

## VIII.

*ad* **W**ERTHINIA nobilis MARCHIÆ & MONTIBVS interiecta *Abbatia*, sub hoc tempus **B. TIGRIMI** Episcopi *Halberstadiensis* OSSA è tenebris in lucem, gloriosâ pompâ transtulit. Qui, dū viveret, alios verbis, doctrina alios, alios miraculis, beneficâ alios manu, vitæ exemplo omnes, ad CHRISTVM, eiusque cultum traxit. Et ex his ipsis, Dei unius quærens gloriam

apud

apud eundem, & suam nunquam intermorituram  
reperit. Ex Appar. Gelen. & Werthin. Annal.

## IX.

**A**DSVLPACVM seu *Fussenich* generis no-  
bilitate & virtutum famâ conspicuarum  
*Virginum Asceterium* conditus & in honore est  
**ADALRICVS** *Francici sanguinis Adolescens*; qui  
primo ætatis flore, mundo calcato, largâ ma-  
nu hereditatem suam inter pauperes sparsit.  
Deinde *Roma limina Apostolorum, & Colonia trium*  
**MAGORVM**, aliâque loca, *Sanguine & miraculis*  
*Martyrum* nobilitata religiosè Iustravit, mul-  
tôsque annos *talem se, quales nos omnes sumus, pere-*  
*grinum* **FUESSENICHII**, *gregem pascendo tamdiu*  
*vendidit*, donec aridâ prorsus æstate ignotus  
*Opilio*: & precibus fretus, *baculo rudi fontem, ar-*  
*mentis, hominibusque è terra Medicum daret*. Et  
quid mirum, si *terreno Fonte cum alijs Divis Pa-*  
*stor hic potus perennes beatitatis fontes adjectis, nul-*  
*lâ deinceps siti cruciandus*. Ex tabulis *Fusseni-*  
*chianis*.

## X.

**W**ILHELMVS *Confessor amplissimâ fortunâ*  
**PICTONVM Comitum & AQUITANIE Du-**  
cum

*cum* natus GREVENBROCCÆ, seu *Comitum* in  
 PALUDE ad ARNAPHAM, triumphat, qui  
 ingluvie, duellis, incestu ac bellis, pro Leone  
 Schismatico, contra INNOCENTIVM *legitimum*  
*Papam* gestis omnino infamis, enormia fla-  
 gitia pari poenentiã eluere conatus est, *po-*  
*tenti orationis fulmine* S. BERNARDI & CHRIS-  
 TI sub PANE *latentis presentia* percussus.  
 Ut verò incredibilia Ecclesiæ illata damna  
 refarciret, plurima monasteria, templa, cœno-  
 bia, pauperumque hospitia instruxit, dilapsa  
 reparavit, nominisque sui cognominem Ordi-  
 nem reliquit. Neque hîc eius stetit virtus, sed  
 aliis progressa sapientis Anachoretæ consilio,  
 molestâ ære & setis tunicâ Corpus torquebat,  
 catenis cingebat, funibus ferro armatis in sese  
 ipse sæviit, & eremo se abdidit. Ibi haustâ  
 religione, cum ex divina meditatione miro vi-  
 sendi CHRISTI *Incunabula & theatrum immorta-*  
*lium operum* incensus desiderio arderet, Hiero-  
 solymam supplicabundus petiit, & omnia à  
 CHRISTO *Divinitatis, & Humanitatis impressa,*  
 quæ reliquit in terris, *vestigia* piè exosculatus.  
*Rhodijs* demum in *Stabulo* vitam pijs doloribus

plenam

plenam posuit. *Felicius utpote, quàm in palatijs fecisset. Surius Baronius.*

## XII.

**I**N perillustri S. CORNELII ad *Indam* Abbatia, B. Confessoris BENEDICTI, qui regnante LUDOVICO *piissimo Imperatore* Abbatis Fastigium septem. & amplius annis tenuit, animi candore, sui submissione & contemptu insignis, integerrimæ probitatis exemplum de quo illud Apostoli jure affirmaris: *Mundum atque ipsum sibi invicem fuisse Crucifixos. Ex tab. Abbatia & Necrologio.*

## XIV.

**H**Vius Principis, ERARDI *publico bono natè Merita*, ne plus noctis, quàm lucis meo è calamo hauriant, ea integra, ex manu & typis conscriptis *monumentis* LEODIENSIS *Ecclesie* referenda operæ pretium existimavi. ERARDVS à MARCKA, *Filius* ROBERTI *Comitis* à MARCKA, ex *Canonico* D. LAMBERTI *primùm* LEODIENSIS *Episcopus*, tum etiam CARNOTENSIS, tum *Archiepiscopus* VALENTINVS, dein *sacrae ROMANÆ Ecclesie Cardinalis*, denique *Apostolicae sedis Legatus à latere*. Principium ad-

D                      ministra-

ministrationis suæ à Deo & Religione ducturus, in LAURENTIANO primùm *Cænobio*, deinde in *Chartusiano* MONTIS DEI propè SEDANVM ad sacra se comparat opportuno secessu, & rerum divinarum commentationibus, tum confirmatione à Pontifice acceptâ, ad S. Laurentij Sacerdotio initiatur, ac deinde TUNGRIS, Episcopali caractere consecratus, LEODIVM ingreditur solènter Sacerdotij primitias Deo offert in æde S. Lamberti ipso Pentecostes die, spectante multitudine innumerâ, in qua & Abbates quinque supra viginti. De hoc *Præsule*, ut homines taceant, loquentur opera, tam sacra, quàm profana. Inter sacra recenseri possunt, ac debent primò *Divi LAMBERTI Martyris sacrum CAPVT*, quod sic exornavit. Quo die creatus fuit LEODIENSIS Episcopus, illi ornando contulit grave argenti pondus, tum auratam ex argento fieri statuam curavit opere elegantissimo, amplitudine plùs quàm humanâ ad umbilicum usque Episcopum illa refert infulâ redimitum, dexterâ pedum, librum lævâ gestantem. Pro basi opus est arte rarâ elaboratum in modum porticûs, totam molem ambientis, in qua minoribus figuris efficta sunt illustriora

*invicti*

*invicti Martyris facinora.* Et hoc primum fa-  
cræ illius munificentæ monumentum. Alte-  
rum est nobilis ex argento theca, mole ac pon-  
dere spectabilis, sed factoris arte spectabilior,  
in quam recondidit *D. Martyris THEODARDI sacrû*  
*corpus.* Post hoc etiam molitusest aliud: gemi-  
num scilicet æs companum *ERARDI monu-*  
*mentum:* alterum *CHRYSOGONI,* quibus nul-  
lum in vrbe, aut magnitudine, aut pondere  
comparandum. tum etiam aræ Principis pallium  
opere Phrygio, gemmis & vnionibus sanè dives,  
opus & materiâ & arte nulli secundum: cui ac-  
cessere ad *Missæ sacrificium* sacræ vestes, & cap-  
pæ duodecim è telâ aureâ, & ipsæ unionibus  
graves. Eòdem spectat, quod duobus ante o-  
bitum annis, *sepulchrum sibi vivens posuerit,* cui  
nullum fortè in Europa par invenias, opus  
est ex ære aurato statuis rarâ arte fulis insigne;  
cui hoc Epitaphium ipse insculpi iussit:

*ERARDVS à MARCKA mortem habens.*  
*præ oculis VIVUS posuit.*

Et hæc fuerunt *sacræ illius* in Posteris bene-  
*ficientiæ monumenta,* quibus paria, immo & mai-  
ora sunt opera, quæ perfecit & in Vrbe & fo-  
ris. Foris quidem erecta in sinibus Patriæ mu-  
nimenta.



nimenta, cuiusmodi sunt *Arx Hoiensis, Dionantea, Franchimontana, Stockemensis, Curingana.* In Vrbe autem Palatium ingentis omnino molis, cui erigendo totos 32. años insumpsit, sumptu planè Regio. Nec enim aliud aut poterat, aut volebat qui illi regius erat *animus.* Esse in terris desijt anno M. D. XXXVIII. Kalendas Martias, *CORPVS* illatum sepulchro, quod sibi *uivens* erexerat: *COR* autem *HOIAM* in *ade Cruciferorum:* *EXTA* reliqua in *Cœnobium SEPTEM FONTIVM,* non procul *Bruxellis* delata sunt. *Ex Glori. Leod.*

## XV.

**I**N *Castro VOLMVNDTSTEIN VRÆ* in *Marchia* imposito, *Beatæ Memorix venerabilis GERTRVDIS,* que inter blandientem mundum & amplissimam fortunam, turbas & temporalium negotia fugiens, umbrâsque devitans sponte reclusa, *Dei causâ,* umbras inhabitavit, solidâ pietate, laborum patientia, mansuetudine, aliarumque *virtutum splendore* ita ex ijs emicans ut gemino in orbe umbræ illi ampliùs non sint formidandæ: *more enim solis, virtus hęc pulchriùs nitet, quò diutiùs latet.* *Ex Appar. Gelen.*

## XVI.

**H**EISTERBACI in *Montibus* triumphalis lux  
 Beati SIFFRIDI, vaticinijs eximij egregiæ  
 pietatis, magnæ virtutis, & probati exempli  
 Religiosi. Totus erat in humilitatis charitatisque  
 officijs, sociorum obseruantissimus, adeò in  
 omni virtute perfectus, ut quam singulatim  
 inspiceres, eam eminentissimam judicares. In-  
 de ita rapiebat ad se omnium animos, ut aptè  
 in eum sacrum illud caderet elogium: *Dile-  
 ctus Deo & hominibus, cuius memoria in be-  
 nedictione est. Ex tabu Haister. & Appar. Ge-  
 len.*

## XVII.

**S**IGENBERGÆ S. BENIGNI Presbyteri & Martyris,  
 qui innumera gentilium turbâ ad Christum  
 adducta, nervis sub Aureliano Imp. & Terentio  
 præfecto dirissimè cæsus, ad trochleas extendi ju-  
 betur, & Corpus lanceâ perforari, quibus cruci-  
 atibus nobile Martyrium consumavit, *reliquias  
 eius S. Anno Archiepiscopus* circa annum Chri-  
 sti MXXIII. magnâ cleri populique totius fre-  
 quentia in *Ecclesia Sigebergensi* deposuit. Vendi-  
 cat, & *Elvanga* sibi Teste P. Canis. hoc san-  
 ctum

Etum Benigni pignus quæ lis de Beato *Benigno* facile componetur, si utroque loco, vel ex æquo, vel maiori ex parte Reliquias possideri credamus. *Can. in Martyr. S. Georg. Wicelio in choro S.S.*

## XVIII.

**H***Eisterbaci* ex humanis abijt venerabilis: **H***CÆSAREVS* de *Milendunck*, pietate, prudentiâ, doctrinâ, exemplo, submissione mirus; quâ potissimum suadente amplissimam *Prumiensem Præfecturam* abiecit, ut suos inter æquales humilis viveret. Præter mortem & æternitatem, totâ mente Deo fixus nihil in oculis habebat: laboriosæ charitatis religiosus. In *asceterijs virginû, regulari spiritu imbuendis a Deo electus*, erga pauperes erat munificus, cû Deo usque adeò familiaris, ut animam agens, toto corpore humi prostatus, manibus in crucem exporrectis, suavissima inter *IESV & MARIE* nomina, ditissimam virtutibus *animam Deo Procreatori* redderet. *Ex Heist. Necrolog.*

## XXXVIII.

**C***ONRADVS* de *Ravenstein*, alijs de *Rin-*  
*stein*, Episcopus *Herbipolitanus*, vir eruditione.

tione & meritorum gloriâ clarissimus; qui dum,  
 S. IOANNIS *Baptistæ* exemplo, cognatos *Potbo-*  
*rem de Reinstein, Henricumque à Falckenberg* seu  
 ab *Hondt* sanguine nobiles, sed flagitijs ma-  
 gis illustres, plenâ libertate Christianâ monen-  
 do ad saniora vitæ morumque sanctiora consi-  
 lia animaret, *visus est cum Loh* peccatori-  
*bus, quasi ludens loqui,* quod essent sine ti-  
 more; uude ab efferatis & Impiis sacrilegâ ma-  
 nu obtruncatur gloriosus Christi Athleta,  
 ipso sanctæ *Barbaræ* Festo anno MCCCIII  
 doctrinam suam proprio sanguine consignans.  
 Sunt qui *Conradum* hunc Martyrem habent,  
 quod certis rationibus doceri minimè potest,  
 ideòque hîc non astruo. *Novit Deus cui la-*  
*boravit & certavit, & qui certantes vincentèsque*  
*coronat. Chron. Herbipolen. & Bucelinus.*

## XVIII.

**R**UPERTVS è *Ducali MONTIVM* sanguine  
*oriundus Pataviensis* primùm, dein totius  
 cleri votis *Padibornensis* electus Episcopus 31.  
*Princeps Pacis, Justitiæ Zelo* nulli secundus; Ec-  
 clesiæ suæ proventus magnificè auxit, univ-  
 ersis acceptissimus; cuius in omni fortuna, con-  
 stans

stans vox: *Mala non obeſſe, niſi malis; Bona non prodeſſe niſi bonis.* probè enim tenebat, manum Dei incognitam quidem nobis, nunquam tamen malam (vtpote ſemper Paternam) eſſe poſſe, eandemque felicitati terrenæ amaritudines miſcere, ut illa quærat<sup>ur</sup> felicitas, cuius dulcedo non eſt fallax, quam in votis habens, ubique Religionis & munificentiæ ſuæ monumentis relictis, mortalitatem A. C. 1394. peſtiferâ luc exiit, dum munitiſſimam arcem P<sup>ADT</sup>BERG ab hoſtibus Eccleſiæ inſeſſam obſidione premeret, & à ſucceſſore *Ioanne Episcopo ab HOIA*, eius tandem à morte captam. Monumentum & quietem in Eccleſiâ ſuâ *Patibornæ* reperit.

## XX.

Eiusdem meritis (HOIA, ſucceſſore vitâ functo) allectum *Illuſtriſſimum Cathedralis Capitulum*, eius fratrem *GVILIELMUM* 18. annorum *Principem*, *Antiſtitem* ordine 33, conſtituit, contra quem dum *Pontifex Romanus BERTRANDVM* *Canonicum Ravennatem* nominat, dubiâ aliquamdiu poſſeſſione *GVILIELMVS* uſus, tandem legitime confirmatus eſt, quod *Bertrandus* linguæ *Saxonice* ignarus ſeſe ſubditis obeſſe

obesse potiùs, quàm prodesse notans, duobus acceptis equis, Patriam, vnde venerat, repetijt. neque ipse *Guilielmus* Episcopatum constanter administravit, coactus, ad familiæ conservati-  
onem A. C. M. CCCGXV. resignare, ductâ in uxorem *THEODORICI Archiepiscopi Coloniensis nepte Comitissa Techlenburgiensi*; ut jure hunc orbem nihil stabile possidere, sed continuo in orbem fluere affirmâris.

## XXI.

**D**Vobis hisce *fratribus Comitibus*, non in indecorè *Comitem & consanguineum ipsorum* adiungimus *THEODORICVM* ex nobilissimis *MÆRSÆ Dynastis, huius Nominis secundum, Episcopum Padibornensem 34. & Administratorem Halberstadiensem*, Principem vetustissimæ familiæ, multo nomine de Patria meritum, maximis animi & corporis talentis præditus, qualem multis seculis in togâ & sago illa Diœcesis non vidit, ad omnia vigilantē, non ignarū plus vigilare esse plus vivere. quâ tamen vigilantissimâ curâ paternâ cavere non potuit, quò minus alia atq; alia Dei flagella, populum eius afficerent: tanta enim, præter grassantes continuo morbos, tempe-

E

statum

statum vis urbem viciniámque concussit, ut pessum itura omnia viderentur, quam *DEI manu* ( utpote prudens & in omnem illius nutum paratus Princeps ) patienter sustinuit, gnarus in *prodigiosis casibus & mutationibus*, non esse aliam rationem, quàm summam rationem, scilicet Deum ipsum: ac proinde longè præstantius esse pati acerba, pro, & à Deo, quàm beneficâ eius manu continuò frui. jmo hâc publica calamitate ab eodem anam sibi ad bene de omnibus merendi amplissimam afferri; quâ etiam suis divite ac profusâ manu ( ut verus Patriæ pauperumque Pater ) egentibus subvenit, cumulatissimum à Deo præmium accepturus, eâque firmatus spe, anno M. CCCC. LXIII. mortalitatem exiit, & imortalitatem ( ut sperare fas est ) induit. Habuit hic in Cathedra *Monasteriensis cognominem Successorem Antistitem* HENRICVM Comitem de MÆRSA electum A. C. 1415. de quo cum nihil addant Chronologi, quàm laudatissimum vixisse, in laudibus eius meus quoque jure quiescit calamus.

## XXII.

**H**is *Præsulibus* PADIBORNENSIBVSEIUSDEM  
**H**ecclesiæ *Antistes* THEODORVS *Baro de*  
*Recke*

Reck non inconcinnè jungi videtur, quem  
 magni Patris BENEDICTI Asceta R. P. F. Ga-  
 briel Buzelinus, meritissimo suo de Germania  
 calamo hoc ornat elogio: *Theodorus Adolphus*  
*Baro de Reck, in Marchia natus, 44. Padibornensis Epis-*  
*copus, nobilitate generis, singulari eruditione, Aucto-*  
*ritate & rerum gerendarum dexteritate, & ante omni-*  
*a, eximiâ variarum virtutum laude celebratissimus*  
*vixit.* Postremis suis in Regimine annis, pub-  
 licis Patriæ supplicationibus energumenorum  
 phanaticorum Patriæ inerrantium copiam,  
 maximo patientiæ, pietatisque documento su-  
 stinens, precibus, solidâque pietate fregit, no-  
 stro hoc ævo inter Principes vitâ laudabiliter  
 obitâ non infimus Princeps. P. F.

Gabriel Buzelinus.